

Կազմված է 20.12.2016թ. և
բաղկացած 9 թերթից

Տպագրված է ընդամենը 5 օրինակ
Օրինակ 2

ՀԱՍՏԱՏՎԱԾ Է՝

ԳՐԱՆՑՎԱԾ Է՝

«ՅՈՒՔՈՄ» սահմանափակ
պատասխանատվությամբ ընկերության,
«ԱՅՔԱՆ ՔՈՄՈՒՆԻԿԵՅՇՆՍ» փակ
բաժնետիրական ընկերության և
«ԻՆՏԵՐԱԿՏԻՎ ԹԻՎԻ» սահմանափակ
պատասխանատվությամբ ընկերության
մասնակիցների (բաժնետերերի) համատեղ
ընդհանուր ժողովի կողմից 20.12.2016թ.-ին
(արձանագրություն թիվ 1)

ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ
ՁԵՌՆԱՐԿՈՒԹՅՈՒՆՆԵՐԻ ՊԵՏԱԿԱՆ ՌԵԳԻՍՏՐԻ
ԿՈՂՄԻՑ 19.04.1996թ.
գրանցման թիվ 264.110.02498
ՀՎՀՀ 00024873
30.06.2016թ. գրանցված կանոնադրության թիվ _____
փոփոխությունը գրանցված է հրավաքանական
անձանց պետական ռեգիստրի կողմից

«ՅՈՒՔՈՄ» ՄՊԸ գլխավոր տնօրեն՝



«ՅՈՒՔՈՄ»

ՍԱՀՄԱՆԱՓԱԿ ՊԱՏԱՍԽԱՆԱՏՎՈՒԹՅԱՄԲ ԸՆԿԵՐՈՒԹՅՈՒՆ
Կ Ա Ն Ո Ն Ա Դ Ր ՈՒ Թ Յ ՈՒ Ն
(նոր խմբագրությամբ)

1. ԸՆԴՀԱՆՈՒՐ ԴՐՈՒՅԹՆԵՐ

1.1. «ՅՈՒՔՈՄ» սահմանափակ պատասխանատվությամբ ընկերությունը (հետագայում՝ Ընկերություն) համարվում է շահույթ ստանալու նպատակով հիմնադրված օտարերկրյա ներդրումով առևտրային կազմակերպություն հանդիսացող իրավաբանական անձ, որի կանոնադրական կապիտալը բաժանված է սույն կանոնադրությամբ սահմանված չափերով բաժնեմասերի: Ընկերության մասնակիցները պատասխանատու չեն Ընկերության պարտավորությունների համար և իրենց ներդրած ավանդների արժեքի սահմաններում կրում են Ընկերության գործունեության հետ կապված վնասների ռիսկը: Ընկերությունը հանդիսանում է «ՄՈՍԿՎԱ» ՍՊ Ընկերության, այնուհետև «ԱՌԱՔԻՆԻ ԸՆԿԵՐ» ՍՊ Ընկերության իրավահաջորդը (անվանափոխություն): Ընկերությունը հանդիսանում է նաև «ԱԱՏՎՔ» ՓԲԸ-ի (գրանցված 22.08.1997թ., գրանցման համարը՝ 273.120.02039, ՀՎՀՀ՝ 01524033) լիարժեք իրավահաջորդը (միացման ձևով վերակազմակերպում), «ՕԴԱՆԺ ԱՐՄԵՆԻԱ» փակ բաժնետիրական ընկերության (գրանցված 15.10.2008թ., գրանցման համարը՝ 264.120.08427, ՀՎՀՀ՝ 00098599) լիարժեք իրավահաջորդը (միացման ձևով վերակազմակերպում) «ԱՅՔԱՆ ՔՈՍՈՒՆԻՔԵՅՇՆՍ» փակ բաժնետիրական ընկերության (գրանցված 23.06.2008թ., գրանցման համարը՝ 273.120.04938, ՀՎՀՀ՝ 01561774) լիարժեք իրավահաջորդը (միացման ձևով վերակազմակերպում) և «ԻՆՏԵՐԱԿՏԻՎ ԹԻՎԻ» սահմանափակ պատասխանատվությամբ ընկերության (գրանցված 15.06.2006թ., գրանցման համարը՝ 264.110.07537, ՀՎՀՀ՝ 00251057) լիարժեք իրավահաջորդը (միացման ձևով վերակազմակերպում):

1.2. Ընկերության իրավունակությունը ծագում է նրա ստեղծման (պետական գրանցման) պահից և դադարում է լուծարման ավարտի (լուծարման մասին պետական գրանցամատյանում գրանցման) պահից:

1.3. Ընկերությունն ունի իր ֆիրմային անվանումը (հայերեն, ռուսերեն, անգլերեն գրառումներով), ինչպես նաև գործող իրավական ակտերով սահմանված այլ վավերապայմաններ պարունակող կլոր կնիք, կարող է ունենալ դրոշմներ և բլանկներ, ինչպես նաև խորհրդանիշ, օրենքով սահմանված կարգով գրանցված ապրանքային, առևտրային և այլ նշաններ ու անհատականացնող այլ միջոցներ:

1.4. Ընկերությունն իր գործունեության ընթացքում ղեկավարվում է Հայաստանի Հանրապետության քաղաքացիական օրենսգրքով (այսուհետև՝ Օրենսգիրք), «Սահմանափակ պատասխանատվությամբ ընկերությունների մասին» Հայաստանի Հանրապետության օրենքով (այսուհետև՝ Օրենք), Հայաստանի Հանրապետության իրավական այլ ակտերով, սույն կանոնադրությամբ, ինչպես նաև ներքին կանոնակարգերով:

1.5. Եթե Հայաստանի Հանրապետության կնքած միջազգային պայմանագրերով սահմանված են այլ կանոններ, քան բովանդակում է սույն կանոնադրությունը, ապա համապատասխան դեպքերում կիրառվում են միջազգային պայմանագրերի կանոնները:

1.6. Ընկերությունն իր պարտավորությունների համար պատասխանատու է իրեն պատկանող ամբողջ գույքով: Ընկերությունը պատասխանատու չէ իր մասնակիցների պարտավորությունների համար:

1.7. Հայաստանի Հանրապետությունը և համայնքները պատասխանատվություն չեն կրում Ընկերության պարտավորությունների համար: Ընկերությունը պատասխանատվություն չի կրում Հայաստանի Հանրապետության և համայնքների պարտավորությունների համար:

1.8. Ընկերության ֆիրմային անվանումն է՝

հայերեն լրիվ՝ «ՅՈՒՔՈՄ» սահմանափակ պատասխանատվությամբ
ընկերություն

կրճատ՝ «ՅՈՒՔՈՄ» ՍՊԸ

ռուսերեն լրիվ՝ Общество с ограниченной ответственностью „ЮКОМ,,

կրճատ՝ ООО „ЮКОМ,,

անգլերեն լրիվ՝ “UCOM” Limited Liability Company

կրճատ՝ “UCOM” LLC

1.9. Ընկերության գտնվելու վայրը և իրավաբանական (փոստային) հասցեն է՝

0010, ՀՀ ք. Երևան, Տեղյան 192, բն.4:

1.10. Ընկերության ինտերնետային կայքի հասցեն է www.ucom.am, իսկ էլեկտրոնային նամակագրության հասցեն՝ info@ucom.am:

2. ԸՆԿԵՐՈՒԹՅԱՆ ԳՈՐԾՈՒՆԵՈՒԹՅԱՆ ԱՌԱՐԿԱՆ ՈՒ ՆՊԱՏԱԿԸ

2.1. Ընկերության գործունեության նպատակը տնտեսական գործունեություն իրականացնելու

ճանապարհով շահույթի ստացումն է:

2.2. Ընկերությունը ունի օրենքով չարգելված գործունեության ցանկացած տեսակներ իրականացնելու համար քաղաքացիական իրավունքներ և կրում է այդ գործունեության հետ կապված քաղաքացիական պարտականություններ և կարող է իրականացնել օրենքով չարգելված ցանկացած տնտեսական գործունեություն:

2.3. Օրենքով սահմանված գործունեության առանձին տեսակներով Ընկերությունը կարող է զբաղվել այն լիցենզիայի (հատուկ թույլտվություն) ստանալու դեպքում՝ լիցենզիա ստանալու պահից կամ նրանում նշված ժամկետում:

2.4. Եթե լիցենզիայի հատկացման պայմաններում նախատեսված է, որ Ընկերությունը բացի լիցենզավորվող գործունեությունից այլ գործունեությամբ զբաղվել չի կարող, կամ սահմանափակումներ են դրվում գործունեության առանձին տեսակներով զբաղվելու վրա, ապա Ընկերությունը լիցենզիայի գործունեության ժամկետում իրավունք չունի զբաղվել այլ գործունեությամբ, բացառությամբ լիցենզիայով նախատեսվածների կամ այն գործունեություններով, որոնց մասին նշված է լիցենզիայի մեջ:

2.5. Ընկերության իրավունքները կարող են սահմանափակվել միայն օրենքով նախատեսված դեպքերում և օրենքով սահմանված կարգով:

3. ԸՆԿԵՐՈՒԹՅԱՆ ԻՐԱՎԱԿԱՆ ԿԱՐԳԱՎԻՃԱԿԸ, ԻՐԱՎՈՒՆՔՆԵՐՆ ՈՒ ՊԱՐՏԱԿԱՆՈՒԹՅՈՒՆՆԵՐԸ

3.1. Պետական գրանցման պահից Ընկերությունը ձեռք է բերում իրավաբանական անձի կարգավիճակ:

Ընկերությունը, որպես սեփականություն, ունի առանձնացված գույք և իր պարտավորությունների համար պատասխանատու է այդ գույքով, կարող է իր անունից կնքել պայմանագրեր, ձեռք բերել ու իրականացնել գույքային և անձնական ոչ գույքային իրավունքներ, կրել պարտավորություններ, դատարանում հանդես գալ որպես հայցվոր կամ պատասխանող:

Ընկերությունն ունի ինքնուրույն հաշվեկշիռ, Հայաստանի Հանրապետության և օտարերկրյա բանկային հիմնարկություններում՝ հաշվարկային հաշիվներ (դրամով, տարադրամով):

3.2. Ընկերությունը կարող է լինել այլ ընկերության (այդ թվում դուստր ու կախյալ) հիմնադիր (մասնակից), բացառությամբ Օրենսգրքով, Օրենքով և այլ օրենքներով նախատեսված դեպքերի:

3.3. Ընկերությունն իրավունք ունի ստեղծել առանձնացված ստորաբաժանումներ (մասնաճյուղեր և ներկայացուցչություններ), ինչպես Հայաստանի Հանրապետության, այնպես էլ այլ պետությունների տարածքում:

3.4. Կառավարչական, կամ ոչ առևտրային բնույթի այլ գործունեություն իրականացնելու համար Ընկերությունը կարող է ստեղծել հիմնարկներ:

3.5. Ընկերության առանձնացված ստորաբաժանումները և հիմնարկները իրավաբանական անձինք չեն և գործում են Ընկերության հաստատած կանոնադրությունների հիման վրա, իսկ նրանց ղեկավարները գործում են Ընկերության լիազորագրի հիման վրա:

3.6. Ընկերությունն իրավունք ունի.

3.6.1. Հայաստանի Հանրապետության օրենսդրությամբ չարգելված ցանկացած ձևերով ձեռք բերել գույք, այդ թվում արժեթղթեր, տիրապետել, օգտագործել ու տնօրինել դրանք և դրանցից ստացված եկամուտը կամ այլ օգտակար արդյունքը,

3.6.2. ինքնուրույն կազմավորել իր ֆինանսական ռեսուրսները, այդ թվում փոխառու միջոցների ներգրավմամբ (նաև փոխառություններ տրամադրել ֆիզիկական անձանց և կազմակերպություններին), Հայաստանի Հանրապետությունում և այլ պետություններում ստանալ բանկային և առևտրային վարկեր, այդ թվում՝ արտարժույթով, օրենսդրությամբ սահմանված կարգով իր անունից թողարկել և տեղաբաշխել արժեթղթեր,

3.6.3. օտարել, վարձակալության տալ, փոխանակել, օրենսդրությամբ չարգելված այլ ձևերով փոխանցել գույքային իրավունքներ, լինել գրավառու և գրավատու,

3.6.4. օրենսդրությամբ սահմանված կարգով արտահանել և ներմուծել գույք, արտադրված, գնված և այլ օրինական ձևով ստացված արտադրանք, ծառայություններ մատուցել և աշխատանքներ կատարել օտարերկրյա իրավաբանական անձանց և (կամ) կազմակերպությունների և քաղաքացիների

համար, օգտվել նրանց կատարած աշխատանքներից և մատուցած ծառայություններից, այլ պետություններում նրանց օրենսդրությանը համապատասխան իրականացնել ներդրումներ, ստեղծել իրավաբանական անձինք և (կամ) անդամակցել իրավաբանական անձանց և (կամ) օգտվել օրենսդրությամբ և սույն կանոնադրությամբ սահմանված այլ իրավունքներից:

3.7. Ընկերությունը պարտավոր է.

- 3.7.1. օրենսդրությամբ կամ այլ իրավական ակտերով սահմանված կարգով իրականացնել հաշվապահական հաշվառում և ներկայացնել վիճակագրական հաշվետվություն
- 3.7.2. աշխատանքային պայմանագրեր կնքել Ընկերության աշխատակիցների հետ,
- 3.7.3. պատասխանատվություն կրել և փոխհատուցել իր կողմից հասցրած վնասը կնքած պայմանագրերը չկատարելու կամ պատշաճ չկատարելու, այլ անձանց սեփականության իրավունքը խախտելու համար,
- 3.7.4. օրենսդրությամբ սահմանված կարգով հայտարարել Ընկերության սնանկացման մասին այն դեպքում, երբ հնարավոր չէ բավարարել պարտապանների պահանջները,
- 3.7.5. տեղեկություններ հրապարակել ընկերության կանոնադրական կապիտալի նվազեցման մասին (օրենքով այլ իրավական ակտերով սահմանված կարգով և ժամկետներում),
- 3.7.6. ապահովել Ընկերության փաստաթղթերի (Ընկերության կանոնադրության, գույքի նկատմամբ գույքային իրավունքները հաստատող փաստաթղթերի, Ընկերության ներքին փաստաթղթերի, առանձնացված ստորաբաժանումների ու հիմնարկների, տարեկան հաշվետվությունների, հաշվապահական հաշվառման փաստաթղթերի, կառավարման մարմինների նիստերի արձանագրությունների, Հայաստանի Հանրապետության օրենքներով և այլ իրավական ակտերով նախատեսված այլ փաստաթղթերի) պահպանումը,
- 3.7.7. կրել օրենսդրությամբ և սույն կանոնադրությամբ սահմանված այլ պարտավորություններ:

4. ԸՆԿԵՐՈՒԹՅԱՆ ՄԱՍՆԱԿԻՑՆԵՐԸ, ՆՐԱՆՑ ԻՐԱՎՈՒՆՔՆԵՐՆ ՈՒ ՊԱՐՏԱԿԱՆՈՒԹՅՈՒՆՆԵՐԸ

- 4.1. Անձը համարվում է Ընկերության մասնակից, իրավաբանական անձանց պետական գրանցումն իրականացնող մարմնի կողմից ընկերության մասնակիցների գրանցամատյանում գրանցվելու պահից:
- 4.2. Մասնակիցները կարող են փոխվել Ընկերության կանոնադրությամբ սահմանված կարգով մասնակիցների ընդունման, ազատման, հեռացման, ամբողջ բաժնեմասի օտարման միջոցով, ինչպես նաև մասնակցի ամբողջ բաժնեմասի վրա բռնագանձում տարածելու դեպքում:
- 4.3. Ընկերությունը չի կարող որպես միակ մասնակից ունենալ մեկ անձից կազմված այլ տնտեսական ընկերություն:
- 4.4. Ընկերության մասնակիցներն իրավունք ունեն՝

- 4.4.1. Օրենքով կամ սույն կանոնադրությամբ սահմանված կարգով մասնակցել
Ընկերության կառավարմանը՝ ներկա գտնվել ընդհանուր ժողովին, հանդես գալ
առաջարկություններով, մասնակցել օրակարգային հարցերի քննարկմանը և
քվեարկել որոշումներ ընդունելիս,
- 4.4.2. տեղեկատվություն ստանալ Ընկերության գործունեության մասին՝ գաղտնի
փաստաթղթերից բացի, ծանոթանալ հաշվապահական հաշվառման,
հաշվետվության, Ընկերության արտադրատնտեսական գործունեության այլ
փաստաթղթերի հետ,
- 4.4.3. ստանալ ընկերության գործունեությունից ստացվող շահույթի (դիվիդենտի) մասը,
- 4.4.4. Ընկերության մասնակիցների ընդհանուր ժողովում քվեարկել իրեն պատկանող
լրիվ վճարված բաժնեմասերի ձայների չափով,
- 4.4.5. Ընկերության լուծարվելու դեպքում ստանալ շահույթի իր մասը,
- 4.4.6. Ընկերության լուծարվելու դեպքում ստանալ պարտատերերի հետ կատարված
հաշվարկներից հետո մնացած գույքի մասը կամ դրա արժեքը,
- 4.4.7. ցանկացած պահի դուրս գալ ընկերությունից (անկախ մյուս մասնակիցների
համաձայնությունից),
- 4.4.8. հայցով դիմել դատարան՝ Ընկերության մասնակիցների ընդհանուր ժողովի կողմից
ընդունված և գործող օրենքներին և այլ իրավական ակտերին հակասող
որոշումների բողոքարկման նպատակով,
- 4.4.9. Ընկերության գույքի հաշվին Ընկերության կանոնադրական կապիտալի
ավելացման դեպքում անվճար ստանալ համապատասխան քանակությամբ
բաժնեմասեր,
- 4.4.10. օգտվել Օրենքով և Ընկերության կանոնադրությամբ սահմանված այլ
իրավունքներից:
- 4.5. Ընկերության մասնակիցները պարտավոր են՝**
- 4.5.1. սույն կանոնադրությամբ կամ Ընկերության մասնակիցների ընդհանուր ժողովի
որոշմամբ սահմանված կարգի համաձայն կատարել ներդրումներ Ընկերության
կանոնադրական կապիտալում,
- 4.5.2. չհրապարակել Ընկերության գործունեության վերաբերյալ գաղտնիք պարունակող
տեղեկություններ,
- 4.5.3. կատարել ընկերության նկատմամբ ստանձնած պարտավորությունները,
- 4.5.4. պահպանել սույն կանոնադրության դրույթները:
- 4.6. Ընկերության կանոնադրական կապիտալում բաժնեմասը փոխանցելը**
- 4.6.1. Ընկերության մասնակիցն իրավունք ունի իր բաժնեմասը (դրա մասը) վաճառել կամ
այլ օրենքով չարգելված ձևով, օտարել ընկերության մեկ կամ մի քանի
մասնակիցների, ինչպես նաև երրորդ անձանց:
- 4.6.2. Ընդ որում, մյուս մասնակիցներն ունեն այդ բաժնեմասը նույն գնով ձեռքբերման
նախապատվության իրավունք՝ Ընկերության կանոնադրական կապիտալում իրենց
բաժնեմասերին համամասնորեն:

- 4.6.3. Եթե Ընկերության մյուս մասնակիցները չեն օգտագործել բաժնեմասը (դրա մի մասը) գնելու իրենց նախապատվության իրավունքը կամ այդ իրավունքը օգտագործել են մասամբ, ապա Ընկերությունն ունի այդ բաժնեմասը նույն գնով ձեռքբերման նախապատվության իրավունք:
- 4.6.4. Մասնակիցների, ինչպես նաև Ընկերության կողմից իրենց վաճառվող բաժնեմասերի ձեռքբերման նախապատվության իրավունքը չիրականացնելու դեպքում բաժնեմասերը կարող են օտարվել երրորդ անձանց:
- 4.6.5. Օրենքով նախատեսված բաժնեմասը գնելու նախապատվության իրավունքի զիջում չի թույլատրվում:
- 4.7. Երրորդ անձանց օտարման անհնարինության դեպքում մասնակցի պահանջով Ընկերությունն ինքը պարտավոր է ձեռք բերել մասնակցի բաժնեմասը, այն իրացնել մեկ տարվա ընթացքում այլ մասնակիցների կամ երրորդ անձանց կամ որոշում ընդունել բաժնեմասի չբաշխված մասի մարման ճանապարհով Ընկերության կանոնադրական կապիտալի նվազեցման մասին:
- 4.8. Նախապատվության իրավունքի (այլ մասնակիցների կողմից վաճառվող բաժնեմասերի ձեռքբերման) իրականացման ժամկետ սահմանվում է մեկ ամիս:
- 4.9. Ընկերության կանոնադրական կապիտալի բաժնեմասերը անցնում են Ընկերության մասնակից քաղաքացիների ժառանգներին և իրավաբանական անձանց իրավահաջորդներին միայն Ընկերության մնացած բոլոր մասնակիցների համաձայնությամբ: Ընդ որում բաժնեմասն անցնելու համար համաձայնություն չտալու, ինչպես նաև ժառանգի (իրավահաջորդի) բաժնեմասից հրաժարվելու դեպքում դրա արժեքի վճարումը կատարվում է սույն կանոնադրության 4.7. կետում սահմանված կարգով:
- 4.10. Ընկերության մասնակիցը (մասնակիցները), ով (ովքեր) գումարային առումով տնօրինում է (են) Ընկերության առնվազն տասն տոկոս բաժնեմասը, իրավունք ունի (ունեն) դատական կարգով պահանջել ընկերության այլ մասնակցի հեռացումն ընկերությունից, եթե նա իր գործողություններով կամ անգործությամբ դժվարացնում է կամ անհնարին է դարձնում ընկերության բնականոն գործունեությունը:
- 4.11. Ընկերությունից հեռացված մասնակցի բաժնեմասն անցնում է Ընկերության տրամադրության տակ: Ընկերությունը պարտավոր է հեռացված մասնակցին վճարել բաժնեմասի արժեքը Օրենքով և սույն կանոնադրության 4.7. կետով սահմանված կարգով:
- 4.12. Ընկերությունից դուրս գալու դիմումը ներկայացնելու պահից Ընկերությունից դուրս եկող մասնակցի բաժնեմասը փոխանցվում է Ընկերությանը:
- 4.13. Ընկերությունից դուրս եկող մասնակցի հետ հաշվարկները կատարվում են հետևյալ կարգով.
- 4.13.1. Վճարվում է Ընկերության կանոնադրական կապիտալում նրա բաժնեմասի (կանոնադրական կապիտալում նրա ավանդի ոչ լրիվ վճարման դեպքում վճարման մասին համապատասխան բաժնեմասի) արժեքը,

- 4.13.2. բաժնեմասի արժեքը որոշվում է դուրս գալու մասին դիմումը ներկայացնելու պահին
Ընկերության վերջին հաշվետու ժամանակաշրջանի հաշվապահական
հաշվետվությունների հիման վրա,
- 4.13.3. մասնակցին նրա համաձայնությամբ կարող է տրվել նրա բաժնեմասի արժեքին
համապատասխան գույք ընդհանուր ժողովի որոշմամբ,
- 4.13.4. եթե Ընկերության կանոնադրական կապիտալում որպես ավանդ ներդրվել է գույքի
օգտագործման իրավունք, ապա Ընկերությունը պահպանում է մինչև օգտագործման
իրավունքի ժամկետի ավարտը,
- 4.13.5. մասնակիցը պարտավոր չէ վերադարձնել իր կողմից բարեխղճորեն ստացած
շահույթը: Ընկերությունը պարտավոր է մասնակցին վճարել բաժնեմասի արժեքը
ընկերությունից դուրս գալու մասին դիմումը ներկայացնելու պահից վեց ամսվա
ընթացքում:
- 4.14. Ընկերության մասնակիցն իրավունք ունի իր սեփականությունը հանդիսացող
բաժնեմասը (դրա մասը) գրավ դնել Ընկերության մեկ կամ մի քանի մասնակիցների և
երրորդ անձանց: Գրավի իրավունքը ծագում է իրավաբանական անձանց պետական
գրանցումն իրականացնող մարմնի կողմից գրավի իրավունքի գրանցման պահից:
- 4.15. Գրավ դրված բաժնեմասի (դրա մասի) վրա բռնագանձում տարածելու դեպքում
Ընկերության մյուս մասնակիցները և Ընկերությունն օգտվում են բաժնեմասը (դրա մասը)
ձեռք բերելու նախապատվության իրավունքից Օրենքով և սույն կանոնադրությամբ
սահմանված կարգով:

5. ԸՆԿԵՐՈՒԹՅԱՆ ԿԱՆՈՆԱԴՐԱԿԱՆ ԿԱՊԻՏԱԼԸ, ՆՐԱ ՓՈՓՈԽՈՒՄԸ

- 5.1. Ընկերության կանոնադրական կապիտալը կազմում է 16,958,695 (տասնվեց միլիոն
ինը հարյուր հիսունութ հազար վեց հարյուր իննսունհինգ) ՀՀ դրամ, որը բաժանված է
երկու հատ 847 934.75 ՀՀ դրամ, մեկ հատ 6 953 064.95 ՀՀ դրամ, մեկ հատ 8 309 760.55 ՀՀ
դրամ անվանական արժեքով 4 բաժնեմասերի:
- 5.2. Ընկերության կանոնադրական կապիտալը սահմանում է պարտատերերի շահերը
երաշխավորող ընկերության գույքի նվազագույն չափը: Ընկերության բոլոր բաժնեմասերը
տեղաբաշխված են և պատկանում են Ընկերության մասնակիցներին, որոնց ցանկը բերված
է կանոնադրության բաղկացուցիչ մաս կազմող հավելվածում:
- 5.3. Ընկերության մասնակիցները կարող են իրենց բաժնեմասերը օտարել սույն
կանոնադրության 4.4. կետով սահմանված կարգով:
- 5.4. Ընկերությունը կարող է փոխել կանոնադրական կապիտալի մեծությունը: Այդ
մասին որոշումն ուժի մեջ է մտնում պետական ռեգիստրում համապատասխան
փոփոխությունների պետական գրանցման պահից:
- 5.5. Ընկերության կանոնադրական կապիտալի ավելացումը հնարավոր է միայն նրա
ամբողջությամբ վճարումից հետո:
- 5.6. Ընկերության կանոնադրական կապիտալի ավելացումը կարող է կատարվել.
- 5.6.1. Ընկերության գույքի հաշվին,
- 5.6.2. Ընկերության մասնակիցների լրացուցիչ ավանդների հաշվին,

5.6.3. երրորդ անձանց ավանդների հաշվին:

5.7. Ընկերության մասնակիցների լրացուցիչ կամ երրորդ անձանց ավանդների հաշվին կանոնադրական կապիտալի ավելացման մասին որոշումն ընդունում է Ընկերության ընդհանուր ժողովը ընկերության մասնակիցների միաձայն որոշմամբ, որով որոշվում է լրացուցիչ ներդրումների գումարային արժեքը և ներդրումների կատարման կարգն ու ժամկետները: Այդ որոշմամբ պետք է սահմանվի լրացուցիչ ավանդների ընդհանուր արժեքը, ինչպես նաև սահմանվի լրացուցիչ ավանդի արժեքի և այն գումարի՝ բոլոր մասնակիցների համար միասնական հարաբերակցությունը, որով ավելացվում է նրա բաժնեմասի անվանական արժեքը:

5.8. Սահմանված ժամկետի ավարտից հետո մեկ ամսվա ընթացքում Ընկերության մասնակիցների ընդհանուր ժողովը պարտավոր է որոշում ընդունել (ձայների որակյալ մեծամասնությամբ) լրացուցիչ ավանդների ներդրման արդյունքների, ներդրումների հաշվին ձևավորված կանոնադրական կապիտալի, Ընկերության մասնակիցների բաժնեմասերի չափերի փոփոխման և սույն կանոնադրության փոփոխությունը հաստատելու մասին:

5.9. Լրացուցիչ ավանդները ներդրվում են այդ մասին որոշում ընդունելուց հետո մեկ տարվա ընթացքում:

5.10. Ընկերության կանոնադրական կապիտալի ավելացման կարգն ու պայմանները սահմանվում են Օրենքով:

5.11. Ընկերությունն իրավունք ունի, իսկ Օրենքով սահմանված դեպքերում պարտավոր է նվազեցնել իր կանոնադրական կապիտալը:

5.12. Ընկերությունը պարտավոր է հայտարարել իր կանոնադրական կապիտալի նվազման մասին և սահմանված կարգով գրանցել դրա նվազեցումը, եթե երկրորդ կամ յուրաքանչյուր հաջորդ ֆինանսական տարվա ավարտից հետո Ընկերության գուտակտիվների արժեքը պակաս է կանոնադրական կապիտալից: Եթե Ընկերության նշված ակտիվների արժեքը կազմում է բացասական մեծություն, Ընկերությունը ենթակա է լուծարման:

5.13. Ընկերության կանոնադրական կապիտալի նվազման մասին որոշում ընդունելուց հետո՝ 30 օրվա ընթացքում, Ընկերությունը պարտավոր է կանոնադրական կապիտալի նվազեցման և նրա նոր չափի մասին գրավոր տեղեկացնել իրեն հայտնի Ընկերության բոլոր պարտատերերին, ինչպես նաև այդ մասին տեղեկություններ հրապարակել <http://www.azdarar.am> հասցեում գտնվող Հայաստանի Հանրապետության հրապարակային ծանուցումների պաշտոնական ինտերնետային կայքում:

5.14. Ընկերության կանոնադրական կապիտալի նվազեցումը կարող է կատարվել Ընկերության բոլոր մասնակիցների բաժնեմասերի անվանական արժեքների նվազեցմամբ և (կամ) Ընկերությանը պատկանող բաժնեմասերի մարմամբ:

5.15. Կանոնադրական կապիտալի մեծացման կամ փոքրացման մասին որոշումն ուժի մեջ է մտնում այդ փոփոխության գրանցման պահից:

5.16. *Ընկերության կանոնադրական կապիտալում ընկերության մասնակցի բաժնեմասի վրա բռնագանձում տարածելը կամ բռնագրավումը կատարվում է Օրենքով սահմանված դեպքերում և կարգով:*

6. ԸՆԿԵՐՈՒԹՅԱՆ ԳՈՒՅՔԸ, ԿԱՊԻՏԱԼՆԵՐՆ ՈՒ ՇԱՀՈՒՅԹԸ

6.1. *Ընկերությունը հանդիսանում է սեփականատեր՝*

6.1.1. *ընկերության հիմնադիրների (մասնակիցների) ավանդների և դրանց հաշվին ստեղծված գույքի,*

6.1.2. *Ընկերության տնտեսական գործունեության հետևանքով արտադրած արտադրանքի և ձեռք բերած գույքի,*

6.1.3. *ստացված եկամուտների,*

6.1.4. *գործող օրենսդրությամբ չարգելված հիմունքներով ձեռք բերված գույքի:*

6.2. *Ընկերության սեփականության ներքո կարող է գտնվել ցանկացած գույք բացառությամբ գույքի առանձին տեսակների, որոնք օրենքի համաձայն չեն կարող պատկանել իրավաբանական անձանց:*

6.3. *Ընկերության գույքի նկատմամբ սեփականության իրավունք ձեռք բերելու, իրավունքը դադարելու, գույքը տիրապետելու, օգտագործելու ու տնօրինելու առանձնահատկությունները, կապված գույքը Ընկերության սեփականությանը պատկանելու հանգամանքի հետ, սահմանվում են միայն օրենքներով:*

6.4. *Ընկերության մասնակցի ներդրումը կարող է լինել դրամ, արժեթղթեր, այլ գույք կամ գույքային իրավունքներ, ինչպես նաև դրամական գնահատում ունեցող այլ իրավունքներ:*

6.5. *Ներդրվող գույքի արժեքը որոշվում է Ընկերության հիմնադիրների (մասնակիցների) միջև համաձայնությամբ և և ենթակա է գնահատման անկախ գնահատողի կողմից:*

6.6. *Ընկերության հիմնադիրների (մասնակիցների) կամ Ընկերության մեջ ընդգրկվող երրորդ անձանց կողմից ներդրվող ոչ դրամային ավանդների դրամական գնահատականը հաստատվում է ընդհանուր ժողովի կողմից՝ միաձայն կարգով:*

6.7. *Եթե ընկերության մասնակցի ոչ դրամային ավանդով վճարվող բաժնեմասի անվանական արժեքը (անվանական արժեքի մեծացումը) ավելի է Ընկերության պետական գրանցման համար փաստաթղթեր ներկայացնելու պահին սահմանված նվազագույն աշխատավարձի 500-ապատիկից, ապա նման ավանդը պետք է գնահատվի անկախ գնահատողի (աուդիտորի) կողմից:*

6.8. *Կանոնադրական կապիտալում մասնակցի բաժնեմասը գնահատվում է տեղական արժույթով:*

6.9. *Եթե գույքը, նյութական արժեքները, ֆինանսական և այլ ռեսուրսները փոխանցվում են Ընկերությանը միայն օգտագործման նպատակով, ապա ներդրման չափը և համապատասխանաբար մասնակից-վարձատուի բաժնեմասը որոշվում է ելնելով գույքի օգտագործման դիմաց տրվող վարձակալական վճարից:*

6.10. *Ընկերությանը ժամանակավոր օգտագործման տրված գույքի պատահական կորստի կամ վնասման ռիսկը դրվում է այդ գույքը փոխանցած մասնակցի վրա:*

6.11. *Ընկերությունում կարող են ստեղծվել պահուստային կապիտալ և այլ ֆոնդեր, որոնց չափը և ստեղծման կարգը պետք է սահմանվեն սույն կանոնադրությամբ:*

6.12. *Սահմանված կարգով առաջացող մաքուր շահույթի բաշխումը Ընկերության մասնակիցների միջև իրականացվում է կանոնադրական կապիտալում մասնակիցների ունեցած բաժնեմասերին համապատասխան օրենսդրությամբ սահմանված կարգով:*

7. ԸՆԿԵՐՈՒԹՅԱՆ ԿԱՌԱՎԱՐՈՒՄԸ

7.1. *Ընկերության մարմիններն են Ընկերության մասնակիցների ընդհանուր ժողովը և Ընկերության գործադիր մարմինը՝ գլխավոր տնօրենը:*

7.2. ***Ընկերության կառավարման բարձրագույն մարմինը Ընկերության մասնակիցների (կամ նրանց լիազոր ներկայացուցիչների) ընդհանուր ժողովն է, որն ունի Ընկերության կառավարման և գործունեության ցանկացած հարցի վերջնական լուծման իրավունք:***

7.3. *Ընկերության մասնակիցների ընդհանուր ժողովներում քվեարկությունների ժամանակ Ընկերության մասնակիցներն ունեն Ընկերության կանոնադրական կապիտալում իրենց բաժնեմասին համապատասխան ձայների քանակ:*

7.4. *Ընկերության մասնակիցների հերթական ընդհանուր ժողովը հրավիրվում է Ընկերության գլխավոր տնօրենի կողմից տարեկան մեկ անգամ ֆինանսական տարվա ավարտից ոչ շուտ, քան երկու ամիս և ոչ ուշ, քան վեց ամիս անց:*

7.5. *Ընկերությունը պարտավոր է ամեն տարի գումարել մասնակիցների հերթական ընդհանուր ժողով Ընկերության գործունեության տարեկան արդյունքները հաստատելու համար:*

7.6. *Ընկերության մասնակիցների արտահերթ ընդհանուր ժողովը հրավիրվում է Ընկերության գլխավոր տնօրենի կողմից և Ընկերության կանոնադրությամբ սահմանված դեպքերում, ինչպես նաև բոլոր այն դեպքերում, երբ դա են պահանջում Ընկերության և նրա մասնակիցների շահերը:*

7.7. *Ընկերության մասնակիցներն իրավասու են մասնակցել ժողովին անձամբ կամ իրենց ներկայացուցիչների միջոցով:*

7.8. *Ընկերության մասնակիցների ներկայացուցիչները պետք է ներկայացնեն իրենց լիազորությունները հաստատող փաստաթղթեր:*

7.9. *Ընկերության ընդհանուր ժողովն ընտրում է իր նախագահին:*

7.10. Ընկերության ընդհանուր ժողովի իրավասությանն են պատկանում.

7.10.1. *Ընկերության կանոնադրության մեջ փոփոխությունների և լրացումների կատարումը, Ընկերության կանոնադրության հաստատումը նոր խմբագրությամբ,*

7.10.2. *Ընկերության կողմից բաժնեմասի (բաժնեմասերի) ձեռքբերումը և դրանց իրացումը Օրենքով սահմանված դեպքերում,*

7.10.3. *Ընկերության վերակազմակերպումը,*

7.10.4. *Ընկերության լուծարումը,*

7.10.5. *Ընկերության լուծարման հանձնաժողովի նշանակումը, լուծարման հաշվեկշիռների հաստատումը (լուծարման ամփոփիչ, լուծարման միջանկյալ և լուծարման հաշվեկշիռների) հաստատումը,*

- 7.10.6. Ընկերության կանոնադրական կապիտալի չափի ավելացումը,
- 7.10.7. Ընկերության կանոնադրական կապիտալի նվազեցումը,
- 7.10.8. Կազմակերպությունների (այդ թվում՝ դուստր և կախյալ ընկերությունների) հիմնադրումը,
- 7.10.9. Կազմակերպություններում (այդ թվում՝ դուստր և կախյալ Ընկերություններում) մասնակցության մասին որոշումների ընդունումը,
- 7.10.10. Ընկերության գլխավոր տնօրենի նշանակումը, նրա լիազորությունների վաղաժամկետ դադարեցումը, ինչպես նաև Ընկերության գործադիր մարմնի լիազորությունները կառավարիչին (առևտային կազմակերպություն կամ անհատ ձեռնարկատեր) տալու հարցերը,
- 7.10.11. Ընկերության վերստուգիչ հանձնաժողովի անդամների (վերստուգողի) ընտրությունը և նրանց (նրա) լիազորությունների վաղաժամկետ դադարեցումը,
- 7.10.12. Ընկերության աուդիտ իրականացնող անձի հաստատումը,
- 7.10.13. աուդիտի իրականացման որոշումն ընդունելը,
- 7.10.14. Ընկերության տարեկան հաշվետվությունների, հաշվապահական հաշվեկշռի հաստատումը
- 7.10.15. Ընկերության շահույթն ու վնասները ընկերության մասնակիցների միջև բաշխման մասին որոշման ընդունումը
- 7.10.16. Ընկերության մասնաձյուղերի, ներկայացուցչությունների և հիմնարկների աշխատանքի տարեկան արդյունքների հաստատումը,
- 7.10.17. Ընկերության գործունեության հիմնական ուղղությունների որոշումը,
- 7.10.18. Ընկերության կողմից արժեթղթերի թողարկման մասին որոշումն ընդունելը,
- 7.10.19. Ընկերության կողմից խոշոր գործարքներ (որի հասկացությունը սահմանվում է Օրենքի 48-րդ հոդվածում) կատարելու մասին որոշման ընդունումը,
- 7.10.20. Ընկերության առանձնացված ստորաբաժանումների և հիմնարկների ստեղծումը, գործունեության դադարեցումը, դրանց կանոնադրությունների հաստատումը,
- 7.10.21. Ընկերության ներքին գործունեությունը կարգավորող փաստաթղթերի (Ընկերության ներքին փաստաթղթեր) ընդունումը,
- 7.10.22. Ղեկավար պաշտոնատար անձանց աշխատանքի վարձատրման պայմանների որոշումը:
- 7.11. Ընկերության մասնակիցների ընդհանուր ժողովն իրավունք ունի քննարկել և որոշումներ ընդունել նաև ՀՀ գործող օրենսդրությամբ և սույն կանոնադրությամբ ընդհանուր ժողովի իրավասությանը պատկանող ցանկացած հարցի շուրջ:
- 7.12. Սույն կանոնադրության 7.10. կետի բոլոր ենթակետերով (բացի 7.10.12, 7.10.16 և 7.10.21 ենթակետերից) սահմանված հարցերը հանդիսանում են Ընկերության մասնակիցների ընդհանուր ժողովի բացառիկ իրավասությանը վերապահված հարցերը և չեն կարող փոխանցվել ընկերության գործադիր մարմնին:
- 7.13. Ընկերության մասնակիցների ընդհանուր ժողովը իրավագոր է (քվորում ունի), եթե դրան մասնակցում են Ընկերության մասնակիցների ձայների թվի կեսից ավելիին

տնօրինող մասնակիցները: Սույն կանոնադրությամբ նախատեսված դեպքերում (եթե քննարկվող հարցը պահանջում է բոլոր մասնակիցների միաձայնությունը) ժողովը իրավասու է բոլոր մասնակիցների (նրանց ներկայացուցիչների) ներկայության դեպքում:

7.14. Սույն կանոնադրության 7.10 կետի 7.10.1, 7.10.6, 7.10.7 ենթակետերում նշված հարցերի վերաբերյալ որոշումներն ընդունվում են ժողովին մասնակցողների ձայների երեք քառորդով, սակայն ոչ պակաս Ընկերության բոլոր մասնակիցների ձայների երկու երրորդից, 7.10.10 և 7.10.19 ենթակետերով սահմանված հարցերի շուրջ որոշումներն ընդունվում են ժողովին մասնակցողների ձայների երեք քառորդով, 7.10.11, 7.10.14 և 7.10.15 ենթակետերով սահմանված հարցերի շուրջ որոշումներն ընդունվում են ժողովին մասնակցողների ձայների երկու երրորդով, սակայն ոչ պակաս Ընկերության բոլոր մասնակիցների ձայների կեսից, 7.10.3 և 7.10.4 ենթակետերով սահմանված հարցերի շուրջ որոշումներն ընդունվում են Ընկերության մասնակիցների միաձայն որոշմամբ, իսկ մնացած հարցերի շուրջ՝ Ընկերության բոլոր մասնակիցների ձայների պարզ մեծամասնությամբ:

7.15. Ընկերության մասնակցների ընդհանուր ժողովի իրավասությանը վերաբերվող հարցերի լուծումը կատարվում է ժողովի նիստում՝ օրակարգի հարցերի քննարկման, քվեարկության դրված հարցերի վերաբերյալ որոշումների ընդունման նպատակով մասնակիցների համատեղ ներկա գտնվելով, կամ հեռակա կարգով քվեարկության (հարցման) միջոցով: Այդ դեպքում որոշման նախագիծը ուղարկվում է մասնակիցներին, որոնք պետք է գրավոր և/կամ էլեկտրոնային նամակով հայտնեն իրենց կարծիքը: Նման քվեարկություն կարող է անցկացվել փաստաթղթերը փոստային, հեռագրային, հեռատիպային, հեռախոսային, էլեկտրոնային կամ փոխանցվող և ընդունվող հաղորդակցությունների իսկությունը և դրանց փաստաթղթային հաստատումն ապահովող կապի այլ միջոցներով փոխանակելու միջոցով:

7.16. Ընկերության մասնակիցների ընդհանուր ժողովների որոշումներն ընդունվում են բաց քվեարկությամբ:

7.17. Ընդհանուր ժողովին մասնակցելու իրավունք ունեն (առանց ձայնի իրավունքի) գլխավոր տնօրենը, վերստուգիչ հանձնաժողովի անդամները կամ վերստուգողը, աուդիտն իրականացնող անձը:

7.18. Ընկերության յուրաքանչյուր մասնակից իրավունք ունի պահանջելու հարցերի քննարկում Ընկերության մասնակիցների ընդհանուր ժողովում, այն պայմանով, որ այն ներկայացված լինի նիստը սկսվելուց առնվազն 10 (տասը) օր առաջ:

7.19. Ընկերության ընթացիկ գործունեության ղեկավարումն իրականացնում է գլխավոր տնօրենը, որն ընտրվում է Ընկերության մասնակիցների ընդհանուր ժողովի կողմից երեք տարի ժամկետով:

7.20. Ընկերության և Ընկերության գլխավոր տնօրենի միջև պայմանագիրը ստորագրվում է գլխավոր տնօրենին ընտրած ընդհանուր ժողովի նախագահող անձի կամ ընդհանուր ժողովի կողմից լիզորված անձի կողմից (եթե տվյալ ընդհանուր ժողովում նախագահել է գլխավոր տնօրենը):

7.21. Գլխավոր տնօրենը լուծում է բոլոր հարցերը, բացի մասնակիցների ընդհանուր ժողովի բացառիկ իրավասությանը վերապահված հարցերից:

7.22. Գլխավոր տնօրենը հրավիրում է Ընկերության մասնակիցների հերթական ու արտահերթ ընդհանուր ժողովներ, կազմակերպում Ընկերության մասնակիցների ընդհանուր ժողովների որոշումների կատարումը, հաշվետու է ընդհանուր ժողովին և իրավունք չունի Ընկերության մասնակիցների համար պարտադիր որոշումներ կայացնելու:

7.23. Ընկերության գլխավոր տնօրենը պետք է գործի բարեխղճորեն և ողջամիտ ի շահ իր կողմից ներկայացվող Ընկերության: Նա պարտավոր է Ընկերության կամ Ընկերության մասնակիցների պահանջով հատուցել իր կողմից Ընկերությանը պատճառած վնասները: Ընկերությանը պատճառած վնասների հատուցման հայցով դատարան դիմելու իրավունք ունի Ընկերությունը կամ նրա մասնակիցը:

7.24. Ընկերության գլխավոր տնօրենը իր իրավասության սահմաններում.

7.24.1. առանց լիազորագրի գործում է Ընկերության անունից, այդ թվում ներկայացնում է նրա շահերը և կնքում գործարքներ: ՀՀ դատարաններում և ՀՀ արդարադատության նախարարության դատական ակտերի հարկադիր կատարման ծառայությունում, ՀՀ այլ պետական մարմիններում բոլոր դատական գործերի առնչությամբ Ընկերության շահերը ներկայացնելու և Ընկերության անունից հանդես գալու, ինչպես նաև վերոնշյալի համար անհրաժեշտ այլ գործողություններ իրականացնելու հետ կապված լիազորագրեր տրամադրելու իրավասություն ունեն նաև Ընկերության իրավաբանական տնօրենը և/կամ հաճախորդների սպասարկման բաժնի տնօրենը,

7.24.2. տնօրինում է Ընկերության գույքը, այդ թվում ֆինանսական ռեսուրսները,

7.24.3. իրավունք ունի որպես հիմնադիր գործել Ընկերության անունից Ընկերության կողմից հիմնադրված հիմնադրամների հետ հարաբերություններում:

7.24.4. կնքում է պայմանագրեր, այդ թվում աշխատանքային,

7.24.5. տալիս է լիազորագրեր, այդ թվում՝ վերալիազորման իրավունքով լիազորագրեր,

7.24.6. բանկերում բացում է հաշվարկային և այլ հաշիվներ,

7.24.7. հաստատում է հաստիքներ,

7.24.8. հաստատում է Ընկերության ներքին ստորաբաժանումների (բաժինների) գործունեությունը կարգավորող կանոնակարգերը

7.24.9. իրականացնում է ՀՀ գործող օրենսդրությանը չհակասող, Օրենքով և Ընկերության կանոնադրությամբ իրեն վերապահված կամ Ընկերության ընդհանուր ժողովի կողմից տրված այլ լիազորություններ և հանձնարարություններ:

7.25. Ընկերությունն իրավասու է իր գործադիր մարմնի իրավասությունները փոխանցել կառավարիչին (առևտրային կազմակերպություն կամ անհատ ձեռնարկատեր):

7.26. Անհրաժեշտության դեպքում Ընկերությունում Օրենքով սահմանված կարգով Ընդհանուր ժողովի կողմից կարող է ընտրվել վերստուգիչ հանձնաժողով (վերստուգող), որի կազմավորման կարգը, ժամկետը և իրավասությունները պետք է ամրագրվեն սույն կանոնադրությունում:

8. ԸՆԿԵՐՈՒԹՅԱՆ ԱՌԱՆՁՆԱՅՎԱԾ ԱՏՈՐԱԲԱԺԱՆՈՒՄՆԵՐԸ, ՀԻՄՆԱՐԿՆԵՐԸ

8.1. Ընկերությունը Հայաստանի Հանրապետությունում և նրա տարածքից դուրս կարող է հիմնել իրավաբանական անձի կարգավիճակ չունեցող մասնաճյուղեր և ներկայացուցչություններ, որոնք Հայաստանի Հանրապետության տարածքում հիմնելու դեպքում գրանցվում են ՀՀ օրենսդրությամբ սահմանված կարգով, իսկ արտասահմանում՝ տվյալ երկրի օրենսդրությամբ սահմանված կարգով՝ պահպանելով ՀՀ օրենսդրության պահանջները:

9. ԸՆԿԵՐՈՒԹՅԱՆ ՎԵՐԱԿԱԶՄԱԿԵՐՊՈՒՄԸ ԵՎ ԼՈՒԾԱՐՈՒՄԸ

9.1. Ընկերությունը, նրա մասնակիցների միաձայն որոշմամբ, կարող է կամովին լուծարվել կամ վերակազմակերպվել:

Ընկերությունը կարող է դատական կարգով վերակազմակերպվել կամ լուծարվել միայն օրենքով սահմանված դեպքերում և կարգով:

Եթե ընկերության գույքը անբավարար է Ընկերության պարտատերերի պահանջները բավարարելու համար, ապա այն կարող է լուծարվել միայն սնանկության հետևանքով:




Ընկերության վերակազմակերպման ու լուծարման կարգը և պայմանները սահմանվում են է Օրենսգրքով և այլ օրենքներով:

9.2. Ընկերությունն իրավունք ունի վերակազմավորվել բաժնետիրական ընկերության:

9.3. Ընկերությունը համարվում է լուծարված, իսկ նրա գործունեությունը՝ դադարած, այդ մասին իրավաբանական անձանց պետական գրանցամատյանում համապատասխան գրանցում կատարելու պահից:

«ՅՈՒՔՈՄ»

ՄԱՀՄԱՆԱՓԱԿ ՊԱՏԱՍԽԱՆԱՏՎՈՒԹՅԱՄԲ ԸՆԿԵՐՈՒԹՅԱՆ
մասնակիցների ցուցակ

Մասնակցի անունը, ազգանունը (անվանումը), անձնագրային (գրանցման) տվյալները, բնակության (գտնվելու) վայրի հասցեն, ՀԾՀ (ՀՎՀՀ)	Բաժնեմասը (դրամ)	Բաժնեմասի չափ	Ստորագրություն
1. Հայաստանի Հանրապետության քաղաքացի Ալեքսանդր Հովհիկի Եսայան Անձնագիր՝ AN 0491413, տրված 29.05.2013թ. 001-ի կողմից, հաշվառման վայրի հասցեն՝ ք. Երևան, Վրացյան 71/12, բն. «Ա» ՀԾՀ՝ 2912820073	847 934.75	5%	
2. Հայաստանի Հանրապետության քաղաքացի Հայկ Հովհիկի Եսայան Անձնագիր՝ AK 0588713, տրված 12.08.2010թ. 001-ի կողմից, հաշվառման վայրի հասցեն՝ ք. Երևան, Վրացյան 71/12, բն. «Ա» ՀԾՀ՝ 1904810098	847 934.75	5%	
3. Հայաստանի Հանրապետության քաղաքացի Արամ Սուրենի Խաչատրյան Անձնագիր՝ AK 0501549, տրված 14.05.2010թ. 001-ի կողմից, հաշվառման վայրի հասցեն՝ ք. Եղվարդ, Երևանյան 22, բն. 25. ՀԾՀ՝ 3709770122	6 953 064.95	41%	
4. Կիպրոսի իրավաբանական անձ «ԱյՅու Թելեքոմյունիքեյթ» ՍՊԸ գրանցման համար HE 287126, գրանցման օրը՝ 18.05.2011, գտնվելու վայրը՝ Կիպրոս, Նիկոսիա, Թասու, Դեղլո հատու թիվ 3.	8 309 760.55	49%	